

پطرس پيڦام

۱۴ او وخت پطرس او يازدهتاً رسولاً امراً ويريشته، به پا بيسه، اوشان طرف واگردسته و بلند بوگفته: «ای همشهریان يهودی و ای شومانی کی اورشليم میان زندگی کونیدی، آن بدانید و هرچی کی گفتن درم وستی حُب گوش بوکونید! ۱۵ فکر نوکونید ا مرداکان مست بوستیدی، چونکی ساعت نُه صبحه! ۱۶ اونچی کی الآن آیه دئن دریدی یوئیل نبی پیشگویی بوکوده بو:

۱۷ (خودا بفرمأسته: "روزان آخر دورون،

می روح بر توما مردوم فوکونم.

شیمی زاکان چی پسر و چی دوختر، نبوت کونیدی،

شیمی جوانان رویا دینیدی و شیمی پیرانم خواب

دینیدی.

۱۸ هطویم هو روزان، تومامی می خدمت گوزاران، چی مردای و

چی زنای،

می روحِ جا پور بیدی
و اوشانم نبوت کونیدی.

۱۹ آسمان جور عجایب

و بیجیر، زمین سر، نشانہ یانی

جہ خون و آتش و دود آشکار کونم.

۲۰ قبل اونکی او پیلہ دانہ روز پور جلال خوداوند فرسه،

خورشید تاریک به و ماه به رنگ خون واگرده.

۲۱ اطوی به، هر کی خوداوند نام دوخوانه، نجات پیدا کونه*." .

۲۲ ای قوم اسرائیل، آن بيشنويد: هوطو کی خودتان دانیدی، عیسای

ناصری مردی بو کی خودا، خو معجزات و عجایب و نشانہ یان امرأ

کی اون دس جا شمر آشکار کوده، ثابت بوکوده کی عیسی مأموریت

جہ اون طرف بو. ۲۳ هن نقشه و اراده خودا بو کی عیسی، شیمی دس

امرأ تسلیم بوسته، و شومانم اون بی دینان دس بیسپردیدی و اوشانم

اون مصلوب کودیدی و بوکوشتید. ۲۴ ولی خودا، عیسی مسیح، بعد

* ۲: ۲۱ کیتاب یوئیل نبی باب ۲، آیه ۲۸ تا ۳۲.

اونكى بمرده، زنده كوده، چونكى مرگ قدرتِ اَن نأشتى كى اَوَن
خو چنگالِ دورون بدأره. ۲۵ هوطو كى داوودِ نبى دربارهى مسيح
بفرمأسته:

(خوداوندِ هميشه مى چومأَن جولو دينم

كى اون مى راستِ دس ايسه كى نكفم.

۲۶ هَنِ وستى مى ديل شاده و مى زبانم اَوَن ستايش كونه

و مى جانِ ميانم اميد دأرم.

۲۷ چونكى تو، مى پئر، ونألى مى جان مُردهيانِ دنيايِ ميانِ بمأنه

و تى پسرِ جسم كى قدوسه، بعدِ مردنِ فاسدِ به.

۲۸ تو حياتِ راهِ مرِ نيشانِ بدىي

و تى حضورِ امرأ، مرِ شادى جا پورِ كونى*.

۲۹ اى برأران، تأنم شمَرِ ايطمينانِ امرأ بگم داوودِ نبى* بمرده و دفنِ

بوسته و اَوَن مقبرهيم تا به ايمروز هيه باقى بمأنسته. ۳۰ ولى اون،

* ۲۸:۲ مزمور ۱۶، آيه ۸ تا ۱۱

* ۲۹:۲ متنِ اصلى ميانِ (داوودِ پاتريازك)

پیغمبر بو و دانستی کی خودا اون ره قسم بوخوردہ بو کی اینفر جہ
اون نسل، سلطنت تخت سر نیشأنه. ۳۱ داوود نبی، قبل آنکی بیمیره،
مسیح مرگ و اون دوواره زندہ بوستن پیشگویی بوکوده و در مورد اون
بوگفته:

(خودا، دنیا مُرده یان دورونی اون ترک نوکوده، و اون جسد هیچ
وخت فاسد نوبوسته*.)

۳۲ خودا هه عیسای سه روز بعد مرگ زندہ کوده و امان همه تان
شاهد ایسیم. ۳۳ اون خودا راست دس ورجه نیشته و روح القدس کی
پئر وعده بده بو، فیگفته و اون خوشاگردان فده کی هسه شومان اون
نتیجہی دینیدی و ایشنویدی، ۳۴ چونکی داوود نبی، عیسی مسیح
مانستن آسمان جور نوشو، ولی بوگفته:

(خودا، می خوداوند مسیح بفرمأسته: "به می راست دس بینشین
۳۵ تا کی تی دشمنان تی پا جیر تودم*")

* ۳۱:۲ مزمور ۱۶، آیه ۱۰

* ۳۵:۲ مزمور ۱۱۰ آیه ۱

۳۶ پس ای قوم اسرائیل، ہمہ تان یقین بدآنید کی خودای پتر ہہ
عیسای کی شومان اون بہ صلیب فکشہ ییدی، خوداوند و مسیح
تعیین بوکودہ۔»

۳۷ وختی آ گبان بیشنوستید، اشان دیلان دورون خیلی غم دکفته و
پطرس و بقیہی رسولان بوگفتیدی: «ہسہ ای براران، چی وا بوکونیم؟»
۳۸ پطرس و آگردستہ اوشان بوگفته: «وستی توبہ بوکونید و ہرکدام
شومان عیسی مسیح نام امرأ تعمید بیگیرید تا شیمی گناہان بخشیدہ
بہ و بتانید روح القدس دریافت بوکونید، ۳۹ چونکی آ وعدہ، شومان،
شیمی زاکان و تومامی مردومان شینہ کی جہ آ سرزمین دور
ایسیدی، یعنی کسانی کی امی خوداوند، خودا اوشان دوخوانہ۔»

۴۰ پطرس خو گبان زیاد دیگر امرأ شہادت بدہ و اوشان تشویق
بوکودہ، بوگفته: «شمر جہ آنسل، کی گمراہہ، آزاد کونید!» ۴۱ بزین
اوشان کی اون گبان قبول بوکودیدی، تعمید بیگفتید۔ ہو روز میان،
حدود سہ ہزار نفر ایمان باوردید۔

ایماندارانِ زندگیٰ موشترک

۴۲ ایمانداران، تومامیٰ خوشانِ وخت، تعلیم گِفتنِ وستی در اختیارِ رسولانِ نہیدی و ہمدیگرِ امرأ مشارکت داشتیدی و دعا کودیدی و مراسمِ «شامِ خوداوند» میانِ شرکت کودیدی. ۴۳ جہِ خاطر کی خلی عجایب معجزہیانِ رسولانِ جا آشکار بوستی، ہمہ تانِ دیلِ دورون ترس و احترامِ بہ خودا دکفتی ۴۴ تومامیٰ ایماندارانِ ہمدیگرِ امرأ یکدیل بید و ہرچی کی داشتیدی خوشانِ میانِ سہم کودیدی. ۴۵ خوشانِ ملک و املاک فروختیدی و او پولِ ہر کسیٰ، ہر چقدر لازم داشتی، فدیدی. ۴۶ اوشانِ ہمہ تا روزان، یکدیل معبدِ میانی جمع بوستیدی و خوشانِ خانہیانِ میانمِ مراسمِ «شامِ خوداوند» میانِ شرکت کودیدی و خوشی و صفائی دیلِ امرأ ہمدیگرِ مرہ غذا خوردیدی ۴۷ و خودایِ شکر کودیدی. تومامیٰ مردوم اوشانِ احترام نہیدی و دوست داشتیدی و خوداوندم ہر روزہ کسانییٰ کی نجات پیدا کودیدی اوشانِ جمعِ اضافہ کودی.